



KOMUNIKADO PA PRENSA

Fecha
16 di yüni 2016

Accountmanager di Komunikashon
Jhanirha Da Costa Gomez

Email
jhanirha.anita@gobiernu.cw

Direktor di Meteo Kòrsou elegí komo miembro di Konseho Ehekutivo di Organisashon Mundial di Meteorologia.

Willemstad - Sr. Albert Martis, direktor di Meteo Kòrsou ta keda elihí komo miembro di Konseho Ehekutivo di Organisashon Mundial di Meteorologia (OMM). Minister Camelia Romer ta kontentu ku e nombramentu di Sr. Martis den e prestigioso Konseho.

Na Giniebra, e siman aki tabata tin e reunion anual di e Konseho Ehekutivo di OMM. Riba e promé dia a trata e 4 puestonan vakante den e Konseho Ehekutivo. E Konseho a bai unánimamente di akuèrdo pa nombra e direktornan di Servisio Meteorológiko, Sra. Sue Barrel di Australia, Sr. Silvio Cao di Italia, Toshihiko Hashida di Hapon i Sr. Albert Martis di Kòrsou komo miembronan nobo di e Konseho di OMM.

E Konseho tin komo mandato pa implementá desishonnan di e Kongreso di OMM ku ta representá e191 paisnan miembro. Esaki ta enserá supervisá entre otro programanan i proyektonan, e presupuesto, i trata rekomendashonnan di e Regionnan. E Konseho ta konsistí di 1 presidente, 3 vise presidente, 6 presidente regional y 27 direktornan di un Servisio Meteorológiko.

Esaki ta mostra un biaha mas ku Kòrsou tin hendenan ku kapasidat pa fungi na nivel mundial. E ta spera ku e posishon nobo aki lo yuda sigui halsa e nivel di e Servisio Meteorológiko rònt mundu i en especial esun di Kòrsou.